

मार्निंग डोगरी न्यूज़ बुलेटिन, समें. 09-20 Hrs

<><><><><><>

## Headlines

- प्रधानमंत्री नरेन्द्र मोदी होर 18 थमां 70 ब'रे दी महिला गी सशक्त बनाने आस्तै बीमा सखी योजना दी शुस्क्रूआत करगन।
- गृहमंत्री अमित शाह होर बन्ने दी सुरक्षा, घुसपैठ गी रोकने ते खब्बे पक्खी आतंकवाद कन्ने निबड़ने आस्तै बीएसएफ दी भूमका दी प्रशंसा कीती।
- उपराज्यपाल मनोज सिन्हा होरें ज्ञान दे क्षेत्र च क्रांति दी जरूरत पर जोर पाया। विद्यार्थिएं च मजूद काबलियत गी समझने आस्तै शिक्षकें दी भूमका पर जोर दित्ता।
- ताजा बर्फबारी मगरा गडिडएं दी आओजाई आस्तै मुगल ते सिंथन शिड़कां बंद।
- जूनियर महिला हॉकी च भारत नै बंग्लादेश गी 13-1 कन्नै हराया।

<><><><><><>

## PM-BIMA

प्रधानमंत्री नरेन्द्र मोदी होर अज्ज हरियाणा दे पानीपत च एलआईसी दी बीमा सखी योजना दी शुरूआत करगन। एह्दा मकसद महिलाएं च माली साक्षरता ते बीमा जागरूकता गी बढ़ावा देना ऐ। भारत दी जीवन बीमा निगम एलआईसी दी एह् पैहल 10मीं पास 18 थमां 70 ब'रें दी महिलाएं गी सशक्त बनाने आस्तै शुरू कीती गई ऐ। उनें गी खास सिखलाई ते पैहले त्रऊं ब'रें आस्तै भत्ता राशि दित्ती जाग। इस मौके पर मोदी होरें संभावित बीमा सखिएं गी नियुक्ति प्रमाण पत्र बी बंडगन। प्रधानमंत्री होर महाराणा प्रताप बागवाणी विश्वविद्यालय करनाल दे मुख् परिसर दा नींह पत्थर रक्खगन। 495 एकड़ च फैले दे मुख् परिसर ते 6 क्षेत्रीय अनुसंधान केन्द्र दे निर्माण च 7 करोड़ रपे थमां मती दी लागत औग।

<><><><><><>

Shah BSF

गृह मंत्री अमित शाह होरें बन्नं गी सुरक्षित बनाने, घुसपैठ, जाली नोटें ते खब्बे पक्खी अत्तवाद गी रोकने सने बक्ख-बक्ख मोर्चे पर शानदार कम्म करने लेई सीमा सुरक्षा बल दे जतनें दी सराहना कीती ऐ।

जोधपुर च कल सीमा सुरक्षा बल दे 60में स्थापना दिवस गी संबोधित करदे होई श्री शाह होरें आखेआ जे 1965 थमां देशै दे पूर्वी ते पच्छमी बन्नं गी सुरक्षित रक्खने च सीमा सुरक्षा बल नै उत्कृष्ट कम्म कीता ऐ। उनें आखेआ ऐ जे अपनी दलेरी, शौर्य ते बलिदान दे दम उप्पर बीएसएफ पिच्छले 6एं दहाकें थमां देशै दी सीमा सुरक्षा दी पैहली पंक्ति गी मजबूत करने लेई कम्म करै करदा ऐ। गृह मंत्री होरें आखेआ जे केई बरें तोहड़ी देसै दी बन्नं दी सुरक्षा सरबंधी नीति स्पष्ट नेई ऐ ही पर प्रधानमंत्री नरेन्द्र मोदी हुंदे नेतृत्व तैह्त्त इस दिशा च महत्वपूर्ण तब्दीलियां कीतीआं गेइयां न। उनें आखेआ

<><><><><><><>

## LG Education

लेफ्टिनेंट गवर्नर मनोज सिन्हा होरें भारत गी विकसित राश्ट्र बनाने लेई ते अर्थबवस्था दे बक्ख-बक्ख खेत्तरें च पूरे-पराते विकास लेई ज्ञान दे खेत्तर च इक नमीं क्रांति दी जरूरतै पर जोर पाया ऐ। जम्मू युनिवर्सिटी दे जनरल ज़ोरावर सिंह ऑडिटोरियम च महावीर इंटरनेशनल स्कूल दे 18में सलाना समारोह गी संबोधित करदे होई एलजी होरें विद्यार्थिं अंदर छप्पी दी समर्थ गी सामने आहने च अध्यापकें दी भूमिका पर लोऽ पाई। उनें आखेआ जे छड़ा म्तेहानें लेई गै किश नमां सिक्खने दी भावना गी नकारेया जाना चाईदा ऐ ते नौजवान पीढ़ी गी नैतिक मुल्लें-कदरें दे कन्नै जीवन दे बक्ख-बक्ख पैहलुएं बारै बड़ी संजीदगी कन्नै जानकार बनाया जाना लोडचदा ऐ। एलजी होरें आखेआ जे बच्चें गी पढ़ांदे बेल्ले अध्यापकें गी छड़ा पाठ्यक्रम दे दायरे अंदर गै सीमित नेई होना चाईदा सगुआं उनें'गी अपना ज्ञान ते तजुर्बे बी विद्यार्थिं कन्नै सांझे करने लोडचदे न। उनें आधुनिक शिक्षा प्रणाली च आर्टिफीशियल इंटेलीजेंस दे महत्त्व पर बी लोऽ पाई। उनें आखेआ जे आर्टिफीशियल इंटेलीजेंस आहली तकनीक गी अध्यापकें दा विकल्प समझने दे बजाय, अध्यापकें दी मदाद आह्ला इक जरिया समझेया जाना लोडचदा ऐ। इस मौके पर एलजी होरें बेह्तरीन कारकरदगी दस्सने आहले विद्यार्थिं गी सम्मानित बी कीता।

<><><><><><><>

## Rana Tribal

जल शक्ति, जंगलात, पर्यावरण ते जनजातीय मामले सरबंधी मैह्कमे दे मंत्री जावेद अहमद राणा होरें जनजातीय मैह्कमे चे णेहलकारें गी आखेआ जे ओह जनजातीय लोकें दे कल्याण सरबंधी हीलें दी अमलावरी ते ओह्दे नतीजें दा व्यसपक आंकलन करन ते प्रदेश दे जनजातीय इलाकें च बुनियादी सुविधाएं च बाद्धे लेई इक ठोस कार्ययोजना तैआर करन। इस सरबंधे च लाई गेदी बैठक च जनजातीय मामलें सरबंधी मैह्कमे दे डरैक्टर गुलाम रसूल, डिप्टी डरैक्टर ते होरने बी केई ऐहलकारें हिस्सा लैता।

इस मौके मंत्री होरें आखेआ जे सरकारै जनजातीय आबादी दे कल्याण आस्तै केई हीलें कीते न ते अधिकारिणं गी बी लोड़चदा ऐ जे ओह संसाधने दा उचित ढंगै नै इस्तेमाल जकीनी बनान। उनें अधिकारिणं पर जोर पाया जे ओह बक्ख-बक्ख योजनाएं दी समे-समे पर समीक्षा करदे रौहन तां जे इंदे लाह गुज्जर-बक्करवाल समुदाय गी बरोबर मिलदे रौहन।

<><><><><><>

DM Farmlands

जिला मैजिस्ट्रेट सचिन कुमार वैश्य होरें अधिकारिणं गी बन्ने पर तारबंदी दे अगगे राई-बाई आली जमीन दा व्यापक आंकलन करने दे निर्देश दित्ते तां जे इनें क्षेत्रें च करसानें गी पेश आवा'रदी चुनौतिणं दा हल कीता जाई सकै। बीएसएफ अधिकारिणं ते सरबंधत सब-डिवीजन मैजिस्ट्रेट, जिला मैजिस्ट्रेट इस बैठक च शिरकत कीती जेहदे च जिस मैजिस्ट्रेट होरें पुज्ज दे बाहर आली राई-बाई जमीन दे सेई कागज पत्र तैआर करने दी जरूरत पर जोर पाया। अधिकारिणं गी जमीनी सतह पर नक्शा जैआर करने, उस जमीन दी शिनाख्त करना जित्थें करसान राई-बाई नेई करी सकदे, दे आदेश दित्ते। एहदे आस्तै प्रभावत करसानें कन्नै सिद्धा राफता ते बीएसएफ कन्नै तालमेल लोड़चदा ऐ।

<><><><><><>

Ranpat Dev

दाता रणपत देव जी दे मंदर दाता तालाब बीरपुर च कल सड़ो?। ते चाढ़क बिरादरी दी स्याले दी मेल दा आयोजन कीता गेआ, जेहदे च 3 लक्ख शा मते श्रद्धालुणं पुज्जियै दाता देव दा आशीवाद हासल कीता। इस मौके श्रद्धालुणं पवित्र दाता तालाब च स्नान कीता। सड़ोत्रा ते चाढ़क बिरादरिणं दे अलावा बड़े सारे लोकें दाते तालाब पुज्जियै सारे आस्तै शांति, खुशहाली ते विकास बाढ़े आस्तै प्रार्थना कीती ते कन्नै गै आयोजित भव्य मेले दा नंद लैता। मेले च झूले, बक्ख-बक्ख पकवानें दे स्टाल, दस्तकारी दी चीजें बगैरा दे स्टाल बी लगगे दे हे। दाता रणपत देव जी सड़ोत्रा ते चाढ़क बिरादरी दे कुल देवता न। एह मेल साल च दो बारी आयोजित कीती जंदी ऐ। अगली मेल अगले ब'रे गर्मिणं च 1 जून 2025 च होग।

<><><><><><>

## Weather

जम्मू-कश्मीर दे उच्चे फ़ाड़ी इलाकें च ताजा बर्फ़बारी दे चलदे किश महत्वपूर्ण सिड़कें पर गड़िडएं दी आओजाई बंद होई गई ऐ। इ'नें सिड़कें च दक्खनी कश्मीर दे शोपियां गी जम्मू खित्ते दे रजौरी पुंछ कन्नै जोडने आहली ऐतिहासिक मुगल रोड ते किश्तवाड़ जिले च सिन्थन रोड शामिल न। अधिकारिएं मूजब, यात्रिएं दी सुरक्षा गी ध्याना च रक्खदे होई इ'नें सिड़कें पर गड़िडएं दी आओजाई बंद करी दित्ती गई ऐ। मुगल रोड पर सफर करने आहली गड़िडएं गी बेहरामगला ते हीरपोरा थाहरें पर रोकेआ गेदा ऐ। मौसम विभाग नै आखेआ ऐ जे जम्मू संभाग दे पदरे ते फ़ाड़ी इलाकें दे किश हिस्सें च हौली बरखा दी मेद ऐ जिसलै के कश्मीर दे उच्चे फ़ाड़ी इलाकें पर हौली बरखा दी बर्फ़बारी दी पेशगोई कीती गेदी ऐ। ऊआं ते खित्ते च औंदी 17 दिसम्बर तगर मौसम खुशक रौहने दी संभावना दस्सी गेदी ऐ पर औंदी 12 दिसम्बर बी पच्छमी ब्हाएं च खौदल करी कश्मीर दे किश हिस्सें च बरखा जां बर्फ़बारी होई सकदी ऐ। जम्मू खित्ते दे बनिहाल च जंदी रातीं दा तापमान सिफर इशारिया 2 डिग्री सैल्सिया, भद्रवाह च सिफर इशारिया 4 डिग्री सैल्सियास, बटोत च 3 इशारिया 2 डिग्री सैल्सियास, कटरा च 8 डिग्री सैल्सियास ते जम्मू शैहरा च 8 इशारिया 7 डिग्री सैल्सियास रिकार्ड कीता गेआ। इस्सै चाल्ली जम्मू च कल दिनै दा बद्धोबद्ध तापमान 20 इशारिया 5 डिग्री सैल्सियास, कटरा च 17 इशारिया 3 डिग्री ते भद्रवाह च 12 डिग्री सैल्सियास दर्ज कीता गेआ।

<><><><><><>

## Doda Winter Fest

जिला विकास काउंसल डोडा दे चेयरमैन धनेन्तर सिंह कोतवाल होरें कल इक बैठक लाइयै भद्रवाह च आयोजित कीते जाने आहले 'विन्टर फेस्टिवल 2024' लेई तैयारिएं दा जायजा लैता। डोडा दे डिप्टी कमिशनर हरविंदर सिंह, एसएसपी डोडा सन्दीप कुमार मेहता, सैलसफा विभाग जम्मू दिएं ज्वाईंट डरैक्टर सुनैना शर्मा मेहता ते सरबंधत मैहकमे दे होर दुए आला अधिकारिएं बी इस बैठक च हिस्सा लैता। एह्दे अलावा होटल एसोसिएशन, सैलसफा एसोसिएशन, टूर ते ट्रैवल आपरेटर ते सैलसफा खेत्तर कन्नै जुड़े दे होरनें सरबंधत घड़ें बी एह्दे च शिरकत कीती। भद्रवाह सब-डिवीजन च विन्टर फेस्टिवल 2024 दे आयोजन सरबन्धी तैयारिएं गी मुक्का रूप देने लेई बैठक दरान बक्ख-बक्ख पैहलुएं पर चर्चा कीती गई। एह उत्सव इस महीने दे अखीरले हफ्ते दरान आयोजन कीता जाना ऐ ते एह्दे तैहत् उत्थुं दिएं मशहूर थाहरें जिआं जय घाटी, गुलडंडा, पदरी ते भद्रवाह किला शामिल न।

<><><><><><>

## Asia Cup

हॉकी च, भारत नै जंदी रातीं ओमान दे मस्कट च महिलाएं दे जूनियर एशिया कप टूर्नामेंट च बंगलादेश खलाफ 13—1 कन्नै बड्डी जित्त हासल कीती। भारत दी तरफा मुमताज़ खान नै सब्बनें शा मते 4 गोल दागे। उंदे अलावा कनिका सिवाच ते दीपिका नै 3—3 गोल कीते। भारत नै इस पूरे मुकाबले दरान बेहतर खेड्ढ दा प्रदर्शन कीता। अज्ज अपने अगले ग्रुप मुकाबले च भारत दा मुकाबला मलेशिया कन्नै होग। एह मैच भारती सभें मूजब रातीं साड्ढे 8 बजे थमां खेड्ढेआ जाहग।

<><><><><><>